



Jnr. 1126.16
GJG/rr

Ordførarar og rådmenn i Sunnhordland
Ordførar og rådmann i Fusa kommune
Ordførar og rådmann i Haugesund kommune
Ordførar og rådmann i Vindafjord kommune

INNKALLING TIL MØTE I SAMARBEIDSRÅDET FOR SUNNHORDLAND

Det vert med dette kalla inn til møte i Samarbeidsrådet for Sunnhordland

torsdag 3. november kl. 08.45 på Solstrand hotel, Os.

Då vert føre:

- | | |
|-----------|--|
| Sak 38/16 | Godkjenning av referat frå møte 16. september d.å. |
| Sak 39/16 | Inntektssystemet - uttale |
| Sak 40/16 | Regionreform - uttale |
| Sak 41/16 | Høgskulen på vestlandet - uttale |
| Sak 42/16 | Godkjenning av møteplan 2017 |
| Sak 43/16 | Skriv og meldingar |
| | a) Møte i Oslo i januar 2017 |
| | b) Plan for bruk av kompensasjonsmidlar |
| | c) Interkommunal strandsoneplan for Sunnhordland |
| | d) Ferjeanbod |
| | e) Kryssing av Langenuen |
| | f) Kontorstruktur i skatteetaten |
| | g) Merkevarebygging av Sunnhordland |
| | h) Felles formannskapsmøte |
| Sak 44/16 | Ymse |

Sunnhordland, 26. oktober 2016

Gro Jensen Gjerde
dagleg leiar

MØTEBOK

Samarbeidsrådet for Sunnhordland

Torsdag 3. november 2016 kl. 08.45
Solstrand Hotel, Os

Sak 39/16
GJG/rr

INNTEKTSSYSTEMET

Bakgrunn

Ordførar Harry Herstad, Stord kommune, orienterte arbeidsutvalet i møte 21.10 om uheldige konsekvensar for nokre kommunar i det nye inntektssystemet. Dette gjeld ca 20 kommunar som gjorde positive vedtak om kommunesamanslåing, men som no vert straffa i høve til det nye inntektssystemet.

Det nye inntektssystemet går ut på at basistilskotet, som i dag er på rundt 13 millionar kroner for alle kommunar, skal endrast slik at nokre får meir, medan andre får mindre. Småkommunar som ikkje kan slå seg saman grunna geografi vert ikkje straffa, medan kommunar som vert definert som frivillig små, mister pengar. Dette gjeld også kommunar som Stord, som sa ja til kommunesamanslåing med Fitjar.

Situasjonen til ”ufrivillig små kommunar” skal avklarast gjennom Kommuneproposisjonen for 2018. Det hjelper lite for 2017, og dei 20 kommunane er no i ferd md å samla seg om ein felles uttale til Kommunal – og moderniseringsdepartementet. Dei skal også møta leiaren i kommunal og forvaltningskomiteen, Helge Andre Njåstad.

Det vert forventa at fylkesmenna tek dette elementet med i fordelinga av dei førebels ufordelte skjønnsmidla.

Ordførar Harry Herstad retta førespurnad om støtte til følgjande uttale frå dei 20 kommunane:

«Kommunene ser det som svært urimelig å straffles gjennom nytt inntektssystem etter å ha fattet positive vedtak om kommunesammenslåing innen fristen som ble satt til 1. juli i år. Kommunestyrevedtakene er baserte på grundige prosesser med involvering av innbyggere, politikere fra alle parti, næringslivet, tillitsvalgte og kommuneadministrasjonene. I de fleste av de aktuelle kommunene ligger også positive folkeavstemninger til grunn for kommunestyrevedtakene. Kommunene ser positivt på at situasjonen til «ufrivillig små kommuner» skal avklares gjennom Kommuneproposisjonen for 2018. Dette hjelper likevel lite for året 2017, og kommunene finner det urimelig å vente med en slik avklaring til våren 2018. Derfor forventes det at fylkesmennene tar dette elementet med i fordelingen av de foreløpig ufordelte skjønnsmidler. »

Vurdering

Administrasjonen meiner at det ikkje er rett å straffa kommunar som sa ja til samanslåing. Dette kan gje store utfordringar i 2017, og situasjonen vert ikkje avklara før gjennom kommuneproposaljen 2018. Difor bør ein kunna forventa tiltak, gjerne gjennom auka rammer til fylkesmannen sine skjønsmidlar for å dekka opp .

Administrasjonen rår til at Samarbeidsrådet støttar opp om uttalen.

Framlegg til vedtak:

Samarbeidsrådet støtter følgjande uttale:

«Samarbeidsrådet for Sunnhordland ser det som svært urimeleg at kommunar som har fatta positivt vedtak om kommunesamanslåing, innan fristen som var sett til 1 juli, skal verta straffa gjennom nytt inntektssystem. Kommunestyrevedtaka er basert på grundige prosessar med involvering av innbyggjarar, politikarar frå alle parti, næringslivet, tillitsvalde og kommuneadministrasjonen. Det ligg også positiv folkerøysting til grunn for kommunestyrevedtaket.

Samarbeidsrådet for Sunnhordland ser positivt på at situasjonen til «ufrivillig små kommunar» skal avklarast gjennom Kommuneproposaljen for 2018. Dette hjelper likevel lite for året 2017, og Samarbeidsrådet for Sunnhordland finn det urimeleg at kommunane må venta med ein slik avklaring til våren 2018. Det vert difor forventa at fylkesmennene tek dette elementet med i fordelinga av dei førebels ufordelte skjønsmidlane.»

MØTEBOK

Samarbeidsrådet for Sunnhordland

Torsdag 3. november 2016 kl. 08.45
Solstrand Hotel, Os

Sak 40/16
GJG/rr

Regionreform – nye folkevalte regionar, roller, struktur og oppgåver

Bakgrunn

Denne saka vart utsett på møte 16. september. I møte vart det sett ned eit ad-hoc utval som har arbeidd vidare med saka. No er sjølve intensjonsavtalen ute til høyring. Administrasjonen har ikkje gått inn i den, men føreslår at denne vert ein del av drøftinga før uttalen vert vedteken.

Stortinget har vedteke at det framleis skal vera tre folkevalde nivå. Med det utgangspunktet meiner regjeringa at tida er moden for ein reform som gjer større og meir funksjonelle regionar. Den regionale inndelinga må vera i samsvar med dei samfunnsoppgåver som skal løysast. Det er naudsynt for at regionane skal kunna ta ei større rolle som samfunnsutviklarar.

Regjeringa ynskjer ein heilskapleg forvalningsstruktur som kan møta framtida sine utfordringar og der dei ulike ledda fungerer godt saman.

Målet er å utvikla eit folkevalt mellomnivå som speler godt på lag med stat og kommune, som kan gripa sentrale samfunnsutfordringar og legga til rette for utvikling og vekst i alle delar av landet.

- Samordna oppgåveløysing, sektorar, prioriteringar og initiativ i regionane
- Forenkling og tydlegare ansvarsdeling
- Styrka demokratiet på regionalt nivå

Nye oppgåver føreset færre, men større regionar som kan løysa utfordringar og oppgåver som famnar vidare enn kommunar og fylker.

I meldinga heiter det at departementet ser utvikling av samfunnsutviklarrolla som den mest aktuelle ramma for det vidare arbeidet med konkretisering av det regionale folkevalde nivået sine oppgåver og funksjonar.

Fleirtalet i Stortinget (H, Frp, V og Krf) har og i samband med gjennomgang av nytt regionalt folkevalt nivå sine oppgåver og ansvar sagt at den regionale stat/ Fylkesmannen i utgangspunkt skal ha ansvar knytt til tilsyn, kontroll og beredskap og nokre vegleiingsoppgåver. Oppgåver som legg til rette for bruk av politisk skjønn kan som hovudregel vurderast med sikte på overføring til regionalt folkevalt nivå. Det bør vurderast å avgrensa fylkesmenna sine oppgåver innafor næringsutvikling og vegleiing av kommunane som samfunnsutviklarar.

Fleirtalet er samde om å vurdera om at følgjande oppgåver kan overførast til det regionale folkevalde nivå:

- a) Vurdering av fylkesvegane etter forvaltningsreforma frå 2010. Større vegar med sterke næringsinteresser kan vurderast overført til staten som ein del av denne vurderinga
- b) Landbruksoppgåver som ikkje er naturleg å legga til kommunane
- c) Klima og miljøoppgåver som ikkje er naturleg å legga til kommunane
- d) Styrking av dei regionale forskningsfond
- e) Fordeling av relevante prosjektmidlar
- f) Oppgåver på integreringsområde som i dag ligg hjå IMDI og som bør flyttast nærmare innbyggjarane
- g) Ny ansvarsfordeling og finansiering mellom stat, regionar og kommunar på kultur- og kulturminneområdet, her under ei vurdering av riksantikvaren si rolle og ansvar
- h) Vurdera å avvikle sentral planstrategi og overlata avgjerder til det regionale sjølvstyret.

Vidare prosess

- Intensjonsplan til høyring med høyringsfrist 30 november
- Fylkeskommunane får saka til handsaming i fylkestinga i desember
- Proposisjon om nye oppgåver og roller våren 2017
- Proposisjon med framlegg til ny regional struktur våren 2017
- Nye regionar og kommunar trer i kraft frå 01.01.2020

Vurdering

Administrasjonen vel å ikkje gå inn og vurdera innhaldet i Stortingsmelding 22 – Nye folkevalde regionar – rolle, struktur og oppgåver, men heller ha fokus på dei ulike modellane og konsekvensar dei ulike modellane kan få for Sunnhordland.

Vestlandsregion

Ein sterk Vestlandsregion vil truleg kunna driva ein meir aktiv samfunnsutvikling. Ei aktiv samfunnsutvikling krev eininger som kan handtera gjennomgripande heilskapstenking der ein ser på tvers av geografiske grenser, forvaltningsnivå og sektorar. Større breidde og djupne i kompetanse vil gje betre tenester og forvaltning og gjera fylket rusta til å konkurrera både med andre fylke og med europeiske regionar. Ein sterk Vestlandsregion kan demma opp for sentralisering mot Austlandet og skapa meir mangfold og balanse i eit nasjonalt perspektiv.

Vurdering av konsekvensar for Sunnhordland

I denne modellen vil Sunnhordland verta ein del av ein større Vestlandsregion. Ein unngår at regionen vert splitta, og regionen kan saman med Haugalandet vidareutvikla eit bu og arbeidsmarknad mellom Bokken og Bjørnen. Når Rogfast og Hordfast kjem vil Bergen og Stavanger koma tettare på kvarandre og dette kan gje ei positiv utvikling for ein ny Vestlandsregion. Ein ny Vestlandsregion, med folkevald forankring, vil kunna styrkja demokratiet og fremja maktspreiing. Ein føresetnad er likevel av det vert lagt til oppgåver både som samfunnsutviklar og tenesteprodusent.

Delar av Sunnhordland som ein del av Rogaland

Ei utgreiing frå Kommunal og moderniseringsdepartementet seier nei til å slå saman heile vestlandet. Bakgrunn for denne utgreiinga er blant anna å sjå på korleis fylkesmannsembetet skal

organiserast i framtida. I denne utgreiinga går ein langt i å anbefala at dagens 19 fylkeskommunar vert redusert til mellom ni og tolv. Det vert og slege fast at kvar eining bør ha eit innbyggjartal på mellom 400 og 500 000.

Utgreiinga skisserer to alternativ i vest:

- I den eine vert Hordaland og Sogn slått saman, medan Rogaland og Møre og Romsdal består som i dag.
- I den andre vert Hordaland splitta opp. Kommunar i Sunnhordland vert flytta til Rogaland, medan resten av Hordaland vert slått saman med Sogn og Fjordane.

I det siste alternativet gjeld dette kommunane som er med i nye Sør Vest politidistrikt.

Konsekvensar for Sunnhordland

Denne rapporten er ikkje handsama politisk enno. Samarbeidsrådet har tidlegare uttrykt bekymring for at organisering av nye politidistrikt ville gje presedens for andre statlege omorganiseringar. I denne rapporten ser ein at det kan verha slik.

Dersom dette vert det endelege resultatet vil Sunnhordland vera den store taparen. Då vert kommunane spreidd i ulike statlege organiseringar som no, men i tillegg verta tilhøyrande to fylker. Ein konsekvens av dette er at regionen truleg ikkje kan fortsetja å opptre som ein samla region, og dette scenario vil kunna føra til eit farvel Sunnhordland.

For Sunnhordland vil regionreforma kunna få stor betydning for vidare utvikling. Det bør vera lov å stilla spørsmål om dette er ei "stille" reform der avgjerslene vert teke sentralt. Det bør vera lov å stilla spørsmål om informasjonen til kommunane om dei pågåande forhandlingane har vore god nok, og om det er tid for kommunane å ta stilling til intensjonsplanen som skal vera vedteken av fylkestinga innan 1. desember 2016.

Vidare er reforma særleg utfordrande for Sunnhordland då ein ikkje veit konsekvensane dersom t.d Hordaland seier ja til intensjonsplanen og Rogaland seier nei. Kan dette føra til at det er politigrensene som vert gjeldande.

Forhandlarane frå Hordaland fylkeskommune har ikkje lagt nokon av desse konsekvensane inn i planen. Er det nokon som arbeider for at Sunnhordland framleis skal høyra til i Hordaland? Spørsmåla er mange, difor meiner administrasjonen at Samarbeidsrådet snarast råd må ta ei drøfting på dei utfordringane og dei mulighetene som ligg i reforma og laga ein plan for vidare arbeid opp i mot det rådet meiner er den beste løysinga for regionen.

Samarbeidsrådet har ikkje hatt ei drøfting på regionreforma, men administrasjonen meiner at ei splitting av regionen vil vera eit stort tilbakesteg og rår til at det vert arbeidd for at Sunnhordland framleis skal vera samla.

Nynorsk som språk i ein ny Vestlandsregion

Samarbeidsrådet bør støtte opp om at Vestlandsregionen skal nytta nynorsk som språk når den nye regionen skal skipast og bør i uttalen be om at følgjande tilleggspunkt om språk bør inn i intensjonsplanen:

1. Staten skal bruke nynorsk i sin skriftlege kommunikasjon med regionen
2. Regionen skal ha nynorsk som administrasjonsspråk
3. Det skal utarbeidast eigne språkreglar for tilsette, som tek vare på dei språklege rettane for private rettssubjekt (personar, bedrifter, organisasjonar, institusjonar)
4. Regionen skal vere eit føredøme for klart språk i offentleg forvaltning»

Ad-Hoc utval

Då Samarbeidsrådet hadde saka oppe i møte 16. september vart saka utsett, og det vart sett ned eit ad-hoc utval beståande av følgjande representantar:

Ordførar Kåre Martin Kleppe, Tysnes kommune, ordførar Harry Herstad, Stord kommune, ordførar Jorunn Skåden, Sveio kommune og rådmann Odd Ivar Øvregård, Kvinnherad kommune.

Mandatet til utvalet var å utarbeida ein strategi for vidare arbeid opp i mot tidslina fram mot vedtak i fylkestinget i desember. Gruppa presisere følgjande:

Bergen er hovudsete for Sunnhordland

- Geografiske delingar må gå etter fylkesgrensa
- Sunnhordland skal vera i Hordaland

For Sunnhordland ville ein god region gå frå Boknafjorden og nordover.

- Difor er samtalar med Haugaland vekst viktige.
- Drivarar er Stord og Haugesund

Det var møte mellom medlemmer i ad-hoc utvalet og Au i Haugalandrådet tysdag 25. oktober.

Signala frå Haugalandet er at dei ynskjer ein region der Sunnhordland og Haugalandet er samla i ein Vestlandsregion. I møte vart ein samde om å legga fram følgjande framlegg til vedtak til Samarbeidsrådet og Haugaland Vekst regionråd:

Samarbeidsrådet for Sunnhordland og Haugaland Vekst er regionråd for i alt 17 kommunar. Råda er samde om følgjande vedrørande regionsreforma:

Haugaland Vekst og Samarbeidsrådet for Sunnhordland meiner at ein vestlandsregion med Rogaland, Hordaland og Sogn og Fjordane er den mest framtidsretta løysinga for Vestlandet.

For Haugaland og Sunnhordland vil ein felles Vestlandsregion vera viktig for utvikling av blant anna næringsklyngene innan maritim og marin sektor, energi, reiseliv, shipping, Vestlandshøgskulen og Helse Fonna.

Det er i prosessen hevda at Rogaland er stor nok i seg sjølv, og at dette vil verta føretrekt dersom dette også inkluderer delar av Sunnhordland. Dette samsvarar også med signala frå Fylkesmannen i Hordaland. Difor bør Samarbeidsrådet og seia noko om dette i uttalen.

Framlegg til uttale:

Samarbeidsrådet for Sunnhordland og Haugaland Vekst er regionråd for i alt 17 kommunar. Råda er samde om følgjande vedrørande regionreforma:

Haugaland Vekst og Samarbeidsrådet for Sunnhordland meiner at ein Vestlandsregion med Rogaland, Hordaland og Sogn og Fjordane er den mest framtidsretta løysinga for Vestlandet.

For Haugaland og Sunnhordland vil ein felles Vestlandsregion vera viktig for utvikling av blant anna næringsklyngene innan maritim og marin sektor, energi, reiseliv, shipping, Vestlandshøgskulen og Helse Fonna.

Samarbeidsrådet vil presisera følgjande:

Samarbeidsrådet for Sunnhordland kan ikkje godta ei løysing der Rogaland vert utvida med kommunane i Sunnhordland som høyrer til Sør Vest politidistrikt. Denne løysinga er inga reform, men ei grensejustering.

Samarbeidsrådet ber fylkestinget om å arbeida for at Sunnhordland framleis skal høyra til Hordaland, dersom ein ikkje vert samde om ein Vestlandsregion, med Rogaland og Sogn og Fjordane.

Samarbeidsrådet for Sunnhordland ber om at Vestlandsregionen støttar opp om det nynorske språket når den nye regionen skal skipast, ved at:

- Staten skal bruke nynorsk i sin skriftlege kommunikasjon med regionen
- Regionen skal ha nynorsk som administrasjonsspråk
- Det skal utarbeidast eigne språkreglar for tilsette, som tek vare på dei språklege rettane for private rettssubjekt (personar, bedrifter, organisasjonar, institusjonar)
- Regionen skal vere eit føredøme for klart språk i offentleg forvaltning

MØTEBOK

Samarbeidsrådet for Sunnhordland

Torsdag 3. november 2016 kl. 08.45
Solstrand Hotel, Os

Sak 41/16
GJG/rr

DEN NYE HØGSKULEN PÅ VESTLANDET

Høgskulen i Sogn og Fjordane, Høgskolen i Bergen og Høgskolen Stord/Haugesund er blitt samde om å fusjonere og saman danne Høgskulen på Vestlandet (HVL).

Fusjonsprosessen er no i fase 3: Planleggingsfasen. Arbeidet med å finne løysingar for den nye institusjonen skal skje i prosjekta som er oppretta i fusjonsprogrammet:

- Prosjekt fagleg plattform, profil og strategi
- Prosjekt fagleg og administrativ organisering
- Prosjekt administrative tenester
- Prosjekt digitalisering
- Prosjekt lærarutdanning

Arbeidet skal byggje på rammene lagt i fusjonsavtalen og kongeleg resolusjon.
Programorganisasjonen er underlagt interimsstyret.

Tida fram mot fusjonstidspunktet er knapp, og det første året blir ein overgangsfase med implementering og utvikling av den nye organisasjonen. Forprosjektet sikker drift jobbar med å få på plass det som er kritisk for å kunne drifte den nye høgskulen som éin organisasjon fra 1. januar 2017.

Overordna tidslinje



Etter innspel frå ordførar Harry Herstad, Stord kommune, drøfta arbeidsutvalet i sitt møte 21 oktober om Samarbeidsrådet burde koma med ein uttale i høve til prosessen. Fokus bør vera kva som er viktig for Sunnhordland i det som blir den nye høgskulen for Vestlandet.

Framlegg til uttale

Samarbeidsrådet for Sunnhordland er regionråd for kommunane Austevoll, Bømlo, Etne, Fitjar, Kvinnherad, Stord, Sveio og Tysnes. Ordførarar og rådmenn i kommunane utgjer rådet.

Rådet er svært oppteken av fusjonsprosessen som no går føre seg mellom Høgskulen i Sogn og fjordane, Høgskulen i Bergen og Høgskulen Stord – Haugesund.

Samarbeidsrådet vil peika på at Høgskulen – Stord Haugesund er den viktigaste kompetanse-institusjonen i stor regionen Sunnhordland og Haugalandet. Difor er rådet svært glad for at HSH no saman med dei andre høgskulane tek eit regionalt ansvar og nyttar moglegheitene til å sikra ein framtidsretta, god og solid utdanningsinstitusjon på Vestlandet.

For Sunnhordland er grunnutdanningane og det gode etter- og vidareutdanningstilbodet avgjerande for utviklinga av regionen.

Rådet er og svært nøgd med at intensjonsavtalen sikrar lokal leiing ved at det vert oppretta stilling som pro – rektorar ved institusjonane.

Høgskulen Stord – Haugesund er vårt talerøy i den nye institusjonen og Samarbeidsrådet for Sunnhordland har store forventningar til at det regionale perspektivet for vår region vert ivaretake i oppbygginga av den nye Høgskulen for Vestlandet.

Kommunane i regionen er innstilte på å stilla opp med nødvendige praksisplassar for studentane.

Samarbeidsrådet ynskjer lukka til med vidare arbeid for å få etablert Høgskulen for Vestlandet!

MØTEBOK

Samarbeidsrådet for Sunnhordland

Torsdag 3. november 2016 kl. 08.45
Solstrand Hotel, Os

Sak 42/16
GJG/rr

GODKJENNING AV MØTEPLAN FOR 2017

Administrasjonen legg med dette fram forslag til møteplan for 2017.

Framlegg til vedtak:

Samarbeidsrådet godkjenner møteplan slik den ligg føre.

MØTEBOK

Samarbeidsrådet for Sunnhordland

Torsdag 3. november 2016 kl. 08.45
Solstrand Hotel, Os

Sak 43/16
GJG/rr

SKRIV OG MELDINGAR

a) Møte i Oslo i januar 2017

Samarbeidsrådet har i mange år prioritert å reisa til Oslo ein gong i året, for å møte blant anna departement, stortingspolitikarar og andre. Dette har vore ein god måte å få drøfta viktige saker for regionen på.

I forslag til møteplan er det sett opp 26 og 27 januar som aktuelle datoar.

Dersom ein vel å få til møter i Oslo desse dagane er det viktig å få på plass kva saker regionen bør prioritera og gjera ei avklaring på kven som tek kontakt med dei ulike departementa/ politikarane/ andre, som ein ønskjer å møte.

b) Plan for bruk av kompensasjonsmidlar

Administrasjonen i Samarbeidsrådet er sekretariat for plan for bruk av kompensasjonsmidlar. Styringsgruppa har godkjent planen og oversendt den til fylkeskommunen for endeleg handsaming. Noverande ordning med differensiert arbeidsgjevaravgift skulle opphavleg gjelda ut 2013. I mars 2014 informerte Kommunal og Moderniseringsdepartementet at dei hadde sendt eit framlegg til nytt regelverk for differensiert arbeidsgjevaravgift til ESA for godkjenning. I dette framlegget vart det føreslege å utvida ordninga med totalt 31 nye kommunar på landsbasis. Av desse ligg tre kommunar i Hordaland, Kvinnherad, Tysnes og Jondal. Dette inneber at desse kommunane har fått gjeninnført differensiert arbeidsgjevaravgift, og ikkje lenger vera omfatta av kompensasjonsordninga.

Kommunane Bømlo, Etne, Kvam og Modalen fekk innført full arbeidsgivaravgift i 2004 og har sida den gong vore med i kompensasjonsordninga for auka arbeidsgjevaravgift, som blei innført i 2004. Full arbeidsgivaravgift er 14,1 % av lønnskostnadene, medan den reduserte arbeidsgivaravgifta før 2004 var 10,6 %.

Den auka arbeidsgivaravgifta har blitt kompensert på to måtar. Alle bedriftene får ein direkte kompensasjon for eit beløp inntil øvre grense for ordninga med bagatellmessig støtte. Dette inneber at bedrifter med lønnskostnader på inntil ca 15 mill kr i praksis ikkje betaler meir enn den opphavlege satsen i arbeidsgivaravgift. Dei større bedriftene i desse kommunane må betale full arbeidsgivaravgift av lønnskostnader på over ca 15 mill kr. I samband med innføringa av auka arbeidsgivaravgift i 2004 bestemte regjeringa at det dei store bedriftene betalte inn i arbeidsgivaravgift utover 10,6 % skulle tilbakeførast til kommunen/regionen. Det er denne

tilbakeføringa som utgjør kompensasjonsmidlane for auka arbeidsgivaravgift. Midlane skal nyttast til næringsretta utviklingstiltak.

Dei store bedriftene er svært ulikt fordelt i dei 4 kommunane. Dei fleste ligg i kommunane Bømlo og Kvam, medan det er få eller ingen slike bedrifter i kommunane, Etne og Modalen. Hordaland fylkeskommune har motteke tilsegnsbrev frå departementet på 28,7 mil. i 2015 og kr. 14,7 mill i 2016 som kompensasjon for auka arbeidsgjevaravgift. Desse tala er rekna ut av Møreforsking på bakgrunn av tal frå 2013 og 2014. I tillegg er det opptente renter for 2013 og 2014 på kr. 2 693 667,-. Av desse er kr. 1 599 667,- disponert av HFK til forvaltning og kr. 250 000,- til sekretariatet og tapt arbeidsforteneste for styringsgruppa. Netto disponibel ramme for 2016 til fordeling er på totalt kr. 44.244 000,-.

c) Interkommunal strandsoneplan for Sunnhordland

Ei arbeidsgruppe beståande av rådmann Atle Tornes, ordførar Wenche Tislevoll, prosjektleiar Tore Bjelland og dagleg leiar Gro Jensen Gjerde har arbeidd med framlegg til føresegner for planen. Det vert ei kort orientering om status i arbeidet i møtet.

d) Ferjeanbod Halhjem – Sandvikvåg

Det er no offentleggjort kven som fekk anboden, og det er kome fram ein del endringar både i materiell og frekvens. Det er stilt fleire spørsmål kring denne tildelinga, blant anna korleis kan fire ferjer som bruker 5 min lenger på overfarten forureina mindre?

Korleis vert ventetida med redusert kapasitet, reserveferjer mm?

Samarbeidsrådet kan ikkje anka tildelinga, men bør ta ei drøfting på om det er spørsmålsstillingar regionen som brukarar bør stilla.

Arbeidsutvalet drøfta dette anboden og ferjepakkar i Hordaland i sitt møte 21.10.

Au konkluderte med at Samarbeidsrådet må prøva å få ei orientering om anbod i sitt møte 8.-9. desember i Skånevik.

e) Kryssing av Langenuen

Statens vegvesen sin rapport vedr. val av kryssing av Langenuen er ikkje sendt ut på høyring. Saka er difor ikkje til handsaming til dette møte. Administrasjonen legg opp til handsaming i møte i Skånevik 8-9 desember.

f) Kontorstruktur i skatteetaten

I møte mellom representantar frå Samarbeidsrådet, fylkestings- og stortingsrepresentantar frå Sunnhordland 21. oktober vart framlegg til ny kontorstruktur i skatteetaten drøfta. I framlegg til statsbudsjett er kontora i Kvinnherad og Stord føreslege nedlagt. Det trengs ei aktiv lobbyverksemد for å endra dette før budsjettet vert vedteken i desember.

g) Merkevarebygging av Sunnhordland

Måndag 31. oktober skal det gjennomførast ei samling om merkevarebygging av Sunnhordland som reisemål. Bakgrunn for samlinga er at næringsaktørane gjennom Strategisk plan for reiseliv har prioritert merkevarebygging som eit av dei viktigaste tiltaka i planen.

Samlinga skal leiast av Leif Hem ved NHH. Han har lang erfaring og god kompetanse innan faget. Det er ca 50 påmeldte.

h) Felles formannskapsmøte

Administrasjonen sende tidleg i oktober ut ein førespurnad om det var interesse for eit felles formannskapsmøte, og føreslo 25. november og 2. desember som aktuelle datoar.

Det har vore svært få tilbakemeldingar på dette. Administrasjonen ønskjer ei avklaring på om ein skal prøve å få til dette møte på eit seinare tidspunkt eller om det ikkje er behov for eit felles formannskapsmøte.